

〔清〕黎庶昌 王定安 等撰
〔清〕李瀚章 李鴻章 审訂

曾國藩年譜

附
事略
榮哀錄

岳麓書社

曾国藩年谱

〔清〕黎庶昌 撰

〔清〕李瀚章 审订

梅 季 校点

图书在版编目(CIP)数据

曾国藩年谱(附事略 荣哀录)/黎庶昌,王定安等编撰. —长沙:岳麓书社,2017.4

ISBN 978-7-5538-0555-9

I. ①曾... II. ①黎... ②王... III. ①曾国藩(1811~1872)——年谱 IV. ①K827=52

中国版本图书馆CIP数据核字(2016)第010948号

ZENGGUOFAN NIANPU

曾国藩年谱(附事略 荣哀录)

编 撰:[清]黎庶昌 王定安 等

审 订:[清]李瀚章 李鸿章

初版责编:唐浩明

本版责编:刘 文

责任校对:舒 舍

封面设计:罗志义

岳麓书社出版发行

地址:湖南省长沙市爱民路47号

直销电话:0731—88804152 88885616

邮编:410006

岳麓书社网址:www.yueluhistory.com

2017年4月第2版第2次印刷

开本:640×960 1/16

印张:27.75

字数:400千字

印数:1—4000

ISBN 978-7-5538-0555-9

定价:48.00元

承印:长沙鸿发印务实业有限公司

如有印装质量问题,请与本社印务部联系

电话:0731—88884129



编辑说明

一、《曾国藩年谱》系据光绪二年传忠书局《曾文正公全集》中《曾文正公年谱》标点。作者黎庶昌，字莼斋，贵州遵义人，贡生出身，以诗文得曾国藩赏识，是曾门四弟子之一。历任驻英法德日四国参赞，又为出使日本大臣。著有《拙尊园丛稿》。

二、《曾国藩事略》系据光绪元年所刊《曾文正公事略》标点。作者王定安，字鼎丞，湖北东湖人，长期从曾氏兄弟游。王定安长于著述，生平所著有《求阙斋弟子记》《湘军记》《曾忠襄公年谱》等。初，王定安撰《求阙斋弟子记》累百余万言，后“乃撮其事之巨且要者为《事略》四卷”，复对《事略》加以增删，易名为《曾文正公大事记》，收入《曾文正公全集》中。这次重印，将《大事记》中所增加的有价值的内容补进《事略》。增补部分，以尖括号识别。

三、《曾国藩荣哀录》系据王定安《求阙斋弟子记·哀荣下》、民国二十五年世界书局《曾文正公全集·荣哀录》及《曾文正公事略》附录部分编成。其中黄翼升、梅启照、陈艾、李传麒、赵烈文所作的祭文，以及诗、联、上谕、谕赐祭文、谕赐入祀贤良祠祭文、御制碑文、奏疏、神道碑、墓志铭，均录自世界书局《曾文正公全集·荣哀录》；附录杨彝珍、王定安等人的诗文，取自光绪元年刻本《曾文正公事略》；其余部分则据《求阙斋弟子记·哀荣下》。

四、为保存底本本来面目，文字中的错讹倒衍一仍其旧，而于其后方括号内注明正字或作简单说明。

目 录

年 谱

卷一	嘉庆十六年至咸丰二年·····	003
卷二	咸丰三年·····	024
卷三	咸丰四年·····	034
卷四	咸丰五年六年·····	053
卷五	咸丰七年八年·····	079
卷六	咸丰九年十年·····	093
卷七	咸丰十一年·····	116
卷八	同治元年·····	129
卷九	同治二年三年·····	149
卷十	同治四年·····	177
卷十一	同治五年至八年·····	190
卷十二	同治九年至十一年·····	211

事 略

卷一	嘉庆十六年至咸丰六年·····	231
卷二	咸丰七年至同治元年·····	252
卷三	同治二年至同治三年六月·····	277
卷四	同治三年七月至同治十一年·····	298

荣哀录

祭 文·····	343
诗·····	377
联·····	384
上 谕·····	404
谕赐祭文·····	406
谕赐入祀贤良祠祭文·····	408
御制碑文·····	409
奏 疏·····	410
神道碑·····	422
墓志铭·····	426
附 录·····	430

曾国藩年谱

〔清〕黎庶昌 撰

〔清〕李瀚章 审订

梅 季 校点

卷一 嘉庆十六年至咸丰二年

公讳国藩，字伯涵，号涤生，湖南湘乡人。曾氏祖籍衡阳，国初有孟学公者，始迁湘乡荷塘都之大界里，再传至元吉公，族姓渐多，资产渐殖，遂为湘乡人。元吉公之仲子曰辅臣公者，公之高祖也。曾祖讳竟希，诰赠光禄大夫，妣彭氏，诰赠一品夫人。祖讳玉屏，字星冈，诰封中宪大夫，累赠光禄大夫。妣王氏，诰封恭人，累赠一品夫人。考讳麟书，字竹亭，湘乡县学生员，诰封中宪大夫，累封光禄大夫。妣江氏，诰封恭人，累封一品夫人。仲父讳鼎尊，早卒。叔父讳骥云，字高轩，以公官勋封光禄大夫。星冈公以嘉庆戊辰年迁居白杨坪。公兄弟五人，女兄弟四人。公则竹亭公之长子也。

辛未 嘉庆十有六年，公生。

公生十月十一日亥时，时竟希公在堂，寿几七十矣。是夜梦有巨蟒盘旋空中，旋绕于宅之左右，已而入室庭，蹲踞良久。公惊而寤，闻曾孙生，适如梦时，大喜曰：“是家之祥，曾氏门闾行将大矣。”宅后旧有古树，为藤所缠，树已槁，而藤日益大且茂，矫若虬龙，枝叶苍翠，垂荫一亩，亦世所罕见者。

壬申 嘉庆十七年，公二岁。

竟希公孝友敦笃，为乡里所敬。年七十，见曾孙，极欣爱之。

癸酉 嘉庆十八年，公三岁。

公幼小时，状貌端重。自初生至三岁，庭户不闻啼泣声。母江太夫人勤操作，不恒顾复。每日依祖母王太夫人纺车之侧，花开鸟语，注目流眄，状若有所会悟。王太夫人尤奇之。

甲戌 嘉庆十九年，公四岁。

六月，妹国蕙生。

乙亥 嘉庆二十年，公五岁。

冬十月，受学于庭，诵读颖悟，竟希公益钟爱之。

丙子 嘉庆二十一年，公六岁。

公在家塾，以陈雁门先生为公问字师。十月，竟希公薨，寿七十有四，葬西垆山。公哭泣甚哀，执丧若成人。

丁丑 嘉庆二十二年，公七岁。

竹亭公粹然儒者，屡应童子试未售，绩学不怠，名其塾曰利见斋。课徒十余人，训诱专勤。公禀学于庭训凡八年。

戊寅 嘉庆二十三年，公八岁。

八月，妹国芝生。

己卯 嘉庆二十四年，公九岁。

是年读《五经》毕，始为时文帖括之学。

庚辰 嘉庆二十五年，公十岁。

五月，公弟国潢生，竹亭公笑谓公曰：“汝今有弟矣。”命作时文一道，题曰“兄弟怡怡”，公文成，竹亭公喜甚，曰：“文中有至性语，必能以孝友承其家矣！”

辛巳 道光元年，公十一岁。

壬午 道光二年，公十二岁。

五月，公弟国华生。

癸未 道光三年，公十三岁。

甲申 道光四年，公十四岁。

衡阳廪生欧阳沧溟先生凝祉与竹亭公友善，常来家塾，见公所为试艺，亟赏之。竹亭公请试以题，先生以《共登青云梯》命为试律。诗成，先生览而称善曰：“是固金华殿中人语也。”因以女许字焉。是岁，始从竹亭公至长沙省城应童子试。八月，公弟国荃生。

乙酉 道光五年，公十五岁。

竹亭公设馆同族家塾，曰锡麒斋。公从受读《周礼》《仪礼》，成诵，兼及《史记》《文选》。

丙戌 道光六年，公十六岁。

应长沙府试，取前列第七名。

丁亥 道光七年，公十七岁。

戊子 道光八年，公十八岁。

九月，公弟国葆生。

己丑 道光九年，公十九岁。

竹亭公设馆石鱼之百鲁庵，公从。

庚寅 道光十年，公二十岁。

九月，公季妹生。肄业于衡阳唐氏家塾，从事汪觉庵先生。公姊国兰出阁，适王氏，婿名鹏远。

辛卯 道光十一年，公二十一岁。

公自衡阳还家塾，冬月，肄业本邑涟滨书院。山长刘元堂先生，名象履，见公诗文，叹赏不置，以为大器。

壬辰 道光十二年，公二十二岁。

竹亭公以府试案首入湘乡县学。公从应试，备取，以佾生注册，

试罢还居家塾利见斋。

癸巳 道光十三年，公二十三岁。

本年科试，入县学。时公名子城，提督学政为岳公镇南。竹亭公年四十有三，应童试十七次，始补生员，积苦力学，授徒家塾者二十年，至是深喜公之继起而早获售也。十二月，欧阳夫人来归。

甲午 道光十四年，公二十四岁。

肄业岳麓书院，山长为欧阳坦斋先生。公以能诗文，名噪甚，试辄第一。是科领乡荐，中式第三十六名举人。本科乡试《四书》首题“疑思问，忿思难，见得思义”，次题“武王纘太王、王季、文王之绪”，三题“智譬则巧也，圣譬则力也，由射于百步之外也”。诗题《赋得翦得秋光入卷来》。座主为徐公云瑞、许公乃安，房考官为张公启庚。十一月入都。是岁始见刘公蓉于朱氏学舍，与语大悦，因为留信宿乃别。

乙未 道光十五年，公二十五岁。

公寓长沙郡馆，会试不售，留京师读书，研穷经史，尤好昌黎韩氏之文，慨然思蹶而从之。治古文词自此始。

丙申 道光十六年，公二十六岁。

会试再报罢，出都为江南之游。同邑易公作梅官睢宁知县，因过访之。由清江、扬州、金陵溯江而归。公久寓京师，窘甚，从易公贷百金，过金陵尽以购书，不足则质衣裘以益之。比归里，陈所购廿三史。竹亭公问所自来，且喜且诫之曰：“尔借钱买书，吾不惜为汝弥缝，但能悉心读之，斯不负耳。”公闻而悚息。由是侵晨起读，中夜而休，泛览百家，足不出庭户者几一年。

丁酉 道光十七年，公二十七岁。

公闻浏阳文庙用古乐，诣浏阳县，与其邑举人贺以南等谘考声音律吕之源流，留两月乃归。过长沙，适刘公蓉与湘阴郭公嵩焘均在省

城应试，相见欢甚，纵谈今古，昕夕无间。留月馀，始各别去。公妹国蕙出阁，适王氏，婿名待聘。十月，公生子，命名桢第。十二月，公谋入都会试，无以为资，称贷于族戚家，携钱三十二缗以行，抵都中，馀三缗耳。时公车寒苦者，无以逾公矣！

戊戌 道光十八年，公二十八岁。

正月，入都门寓内城西登墀堂。本科会试，钦派大总裁大学士穆彰阿公及朱公士彦、吴公文镕、廖公鸿荃。钦命《四书》首题“言必信，行必果”。次题“万物并育而不相害，道并行而不相悖”。三题“颂其诗，读其书，不知其人可乎？是以论其世也，是尚友也”。诗题赋得“泉细寒声生夜壑”。公中式第三十八名进士。房考官季公芝昌。同乡中式者五人，宁乡梅公钟澍、茶陵陈公源充，尤公至好。四月，正大光明殿复试一等，殿试三甲第四十二名，赐同进士出身。朝考一等第三名，进呈宣宗，拔置第二名。五月初二日引见，改翰林院庶吉士。

公少时器宇卓犖，不随流俗，既入词垣，遂毅然有效法前贤，澄清天下之志。读书自为课程，编摩记注，分为五门：曰“茶馀偶谈”，曰“过隙影”，曰“馈贫粮”，曰“诗文钞”，曰“诗文章”。时有论述，不以示人。读书务内自足，亦性然也。中式后，更名国藩。

八月请假出都，与凌公玉垣、郭公嵩焘偕行。道出襄樊，舟次安陆，遇大风，邻舟数十，鲜有完者，公舟独无恙。十二月抵家。曾氏自占籍衡阳以来，无以科名显者，星冈公始督课子姓受学。宾礼文士。公遂以是年成进士，入翰林，星冈公年六十，健在，后公官至学士，堂上犹重庆。至侍郎，星冈公犹及见之。京朝官无及其盛者。公之以翰林归也，亲友踵门而贺，竹亭公治酒款客。比酒罢，星冈公语竹亭公曰：“吾家以农为业，虽富贵，毋失其旧。彼为翰林，事业方长，吾家中食用无使关问，以累其心。”自是以后，公官京师十馀年，未尝知有家累也。

己亥 道光十九年，公二十九岁。

正月，乡里天行痘证大作，公季妹及子楨第皆染痘殇。季妹年十岁，楨第生甫十五日也。四月，公至衡阳。五月，至耒阳县，谒杜工部祠堂，遂至永兴。有曾纪诗者，执贽愿从事，公为书勖之以学。六月，还至耒阳。舟行出昭阳河，至清泉县之泉溪市，还寓石鼓书院，数日乃抵家。议修谱牒，清查源流。八月，公由邵阳至武冈州，还至新化及安化县之蓝田市。

十月抵家。公妹国芝出阁，适朱氏，婿名咏春。公弟国华出继叔父高轩公为后。十一月初二日，子纪泽生。是日启行北上，竹亭公、高轩公送之长沙。十二月，由汉口行。次罗山县，遇大雪，遂留度岁。是岁始为日记，逐日记注所行之事及所读之书，名曰《过隙影》。公会试座师朱文定公士彦卒于位。

庚子 道光二十年，公三十岁。

正月，由罗山启行，至周家口，换车入都。寓宣武门外南横街千佛庵，与同年陈公源充、梅公钟澍联课为诗赋。

四月，移寓淀园挂甲屯，十七日，散馆。钦命题“正大光明殿赋”，以执两用中怀永图为韵，诗题赋得“人情以为田”。取列二等第十九名，引见授职检讨。是科散馆，改部属者二人，改知县者三人，余皆留馆。

六月，移寓果子巷万顺客店，病热危剧，几不救。同寓湘潭欧阳小岑先生兆熊，经理护持，六安吴公廷栋为之诊治。

八月初，病渐减，始能食粥。九月，乃大愈。钦派顺天乡试磨勘官。

十月，移寓达子营之关侯庙，与同年编修钱振伦同寓。十二月，移寓棉花六条胡同路北。竹亭公入都，公夫人欧阳氏、公弟国荃、子纪泽从入都。

辛丑 道光二十一年，公三十一岁。

正月元日，入大内，随班朝贺。嗣是岁以为常。初十日，偕同乡

京官至淀园递折谢恩，为湖南岳、常、澧各处被水缓征，借给籽种。去岁大西洋英吉利国兵陷定海，宣宗命大学士琦善往广东查办。是月报英吉利攻破沙角炮台，直逼虎门。上通谕中外，授奕山为靖逆将军，隆文、杨芳为参赞大臣，琦善革职。

闰三月，竹亭公出都还湘。

五月，梅公钟澍在都病故。公为经理其丧，委曲周至。

六月，管理长沙府会馆事。益阳胡公达源卒，公作诔词挽之。

七月，皇上御门侍班。善化唐公鉴由江宁藩司入官太常寺卿，公从讲求为学之方。时方详鉴前史，求经世之学，兼治诗古文词，分门记录。唐公专以义理之学相助，公遂以朱子之书为日课，始肄力于宋学矣。

八月，移寓绳匠胡同北头路东。

十月，充国史馆协修官。二十八日，偕同乡京官递折谢恩，为岳州水灾蠲免钱粮。公寓书善化贺公长龄，自陈其所学所志。

十一月十五日，公长女生，后适湘潭袁氏，婿名秉桢。公弟国荃肄业京寓，公为之讲课。

壬寅 道光二十二年，公三十二岁。

公益致力程朱之学，同时蒙古倭仁公、六安吴公廷栋、昆明何公桂珍、窦公埈、仁和邵公懿辰及陈公源充等，往复讨论，以实学相砥厉。其为日记，力求改过，多痛自刻责之言。每日必有记录，是为日课。每月中作诗、古文若干篇，是为月课。凡课程十有二条：一曰主敬，二曰静坐，三曰早起，四曰读书不二，五曰读史，六曰谨言，七曰养气，八曰保身，九曰日知所亡，十日月无忘所能，十一曰作字，十二曰夜不出门。

是春，英吉利洋船驶入镇江，沿江诸城多不守，和议成后，乃退出海口。

七月，公弟国荃出都。公送之都门外芦沟桥，以诗为别。有句云：“辰君平正午君奇，屈指老沅真白眉。”公弟国潢生庚辰岁，国

华生壬午岁，国荃字沅甫也。

癸卯 道光二十三年，公三十三岁。

三月初十日，上御正大光明殿考试翰詹。钦命题“如石投水赋”，以陈善闭邪谓之敬为韵。“烹阿封即墨论”，诗题赋得“半窗残月有莺啼”。钦定一等五人：万青黎、殷寿彭、张芾、萧良城、罗惇衍。公列二等第一名。十四日引见，奉旨以翰林院侍讲升用。

五月，考试差。六月，钦命公充四川正考官，以赵辑副之。

七月，公第二女生。公出都，行至保定府，病暑不能食，扶病而行。

闰七月，行至西安。李公星沅时为陕西巡抚，延之署中，治医药，数日病渐愈，即启行入蜀。

八月初四日，抵成都，接准吏部咨文，已于七月十五日补授翰林院侍讲之缺，具呈四川总督宝兴公代奏谢恩折。是科四川乡试首题“不知言，无以知人也”，次题“体群臣也，子庶民也”，三题“人有不为也，而后可以有为”。诗题赋得“万点蜀山尖”。揭晓得士宋文观等六十二名，副榜十二名如例。

九月二十一日，由成都回节。十一月二十日，抵都门复命，充文渊阁校理。

公居京师四年矣，宦况清苦，力行节俭，而遇穷困及有疾病死亡者，资助必丰。四川差竣，得俸千金寄家，为馈遗族姻之用。

甲辰 道光二十四年，公三十四岁。

正月，陈公源究之妻易安人病卒于京寓。其子远济生甫一月，公携之宅中，雇乳姬字养之，以次女许字之。

二月，侍班于文渊阁，赞经筵大典。

三月二十四日，移寓前门内碾儿胡同西头路北。

四月，考试差。五月初十日，奉上谕：“翰林院自侍读以下，詹事府自洗马以下，每日召见二员。”公于二十日召见勤政殿，派充翰

林院教习庶吉士。

八月，新宁江公忠源以公车留京师，因郭公嵩焘求见公。江公素以任侠自喜，不事绳检。公与语市井琐屑事，酣笑移时。江公出，公目送之，回顾嵩焘曰：“京师求如此人才不可得。”既而曰：“是人必立功名于天下，然当以节义死。”时承平日久，闻者或骇之。江公自是遂师事公。

二十八日，公第三女生，后适罗氏忠节公泽南之子，名兆升。

九月，分校庶常馆。

十二月初七日，上御门，转补翰林院侍读。公作字初学颜、柳帖，在词垣兼临褚帖。于诗则五、七古学杜、韩，近体专学杜，而于苏、黄之古诗，温、李之近体，亦最为致力。还书家中，训勉兄弟，以立志有恒为本，作《五箴》以自警：一曰立志，二曰居敬，三曰主静，四曰谨言，五曰有恒。公子纪泽是岁入家塾，塾师为长沙冯树堂先生卓怀。

乙巳 道光二十五年，公三十五岁。

三月，钦派会试同考官。签分第十八房，荐卷六十四本，中式周士炳等十有九人。是科湖南中式八人，皆长沙府籍。贵州中式之黄辅相与侄彭年二人，原籍醴陵。而状元为萧锦忠，朝元为孙鼎臣。去秋乡试，南元为周寿昌，亦于是科入翰林。公时管理长沙郡馆事，题名之日，公为联语云：“同科十进士，庆榜三名元。”盖佳话也。

五月初二日，上御门，公升授詹事府右春坊右庶子。次日具折谢恩，召见于勤政殿。

六月，转补左庶子。夏间癖疾发，至秋微愈。自是以往，癖疾恒作，以至老年，未得全瘳也。

九月，公弟国潢、国华入都。二十四日，上御门，升授翰林院侍讲学士。次日具折谢恩，召见。宣宗时，每岁举行御门之典至四五次，京朝官缺，多以其日简放，示爵人于朝，与众共之之意。合肥李公鸿章，本年家子也，中甲辰科举人，是年入都会试，受业公门。公